

## Forum Ecclesiasticum

In Quo Jus Canonicum Universum, Librorum Ac Titulorum Ordine Per  
Quæstiones Et Responsa, Tam Canonistarum Veterum & Recentiorum,  
quàm Legistarum, in iis, quæ Utrique Juri, Canonico Et Civili Communia  
Sunt, Authoritate stabilita, Methodo clara & facili explanantur

**Leuren, Peter**

**Moguntiae, 1720**

Quæst. 121. Quid Jure Civili, & quid Jure Canonico antiquo statutum de  
Raptoribus in ordine ad contrahendum Matrimonium cum ea, vel etiam  
cum aliis.

---

[urn:nbn:de:hbz:466:1-73973](#)

**Quæst. 121.** Quid jure civili, & quid in uxorem ducat; & nibilominus raptor ipse & omnes illi consilium, auxilium & favorem prabentes sint ipso jure excommunicati, ac perpetuo infames, omniumque dignitatum incapaces, & si clerici fuerint, de proprio gradu decident teneatur praeterea mulierem raptam, sive eam duxerit, sive non, decenter arbitrio Iudicis dotare &c. Unde patet, raptum hodiendum esse impedimentum dirimens matrimonium cum raptis, non quidem perpetuum, sed temporale, donec libertati suæ restituatur, & violentia illi illata cefset. Hinc colligenda & circa hæc notanda sequentia.

1. Resp. Primo: Jure civili non solum prohibiti sunt matrimonium inire cum fæmina rapta, ut constat ex c. unic. de rapt. mulier. Sed etiam irritum est tale matrimonium; idque, etiamsi mulier existens in potestate raptoris liberè consentifera. Ut constat ex Auth. de raptis mulierib. ibi: tale stare (hoc est, subsistere seu vites habere tanquam validum) nisi rapti voluerit, prohibemus. item collat. 9. nov. 144.

2. Resp. Secundo: Jure Canonico antiquo, nemini, c. statutum. 27. q. 2. ubi dicitur: Si quis Sponsam alterius raperit, publica autoritate multetur, & sine spe conjugi maneat; statutum, ut raptor sponsa alienam contrahat impedimentum, non quidem dirimens, sed impediens contrahendi cum quacunque alia muliere, ut qui alienum matrimonium austurbare, merito privetur proprio. Prædictum verò impedimentum non incurrit, si mulier rapta non fuerit desponsata, vel etiam, si contraxerit tantum sponsalia de futuro; nomine enim sponsa in odiosis non venit sponsa de futuro. Sanch. l. 7. d. 12. n. 45. Castrop. cit. p. 2. §. 2. n. 9. Pirk. ad tit. de raptorib. n. 16. Sed requiritur, ut actu contraxerit sponsalia per verba de presente seu matrimonium; perinde autem est, sive fuerit virgo, sive corrupta, sive matrimonium illius consummatum, sive ratum tantum; quia jus non distinguit, & in utroque casu sit injuria matrimonio per raptum. Pirk. l. c. Item non incurrit, si vir sciens abduci sponsam suam, non renitatur; cum illud impedimentum latum in favorem viri; Castrop. l. c. si autem vir renitatur, & sponsa consentiat, contrahit hæc quoque illud impedimentum, ita ut disoluto matrimonio illo nulli alteri licetè nobis possit. Castrop. Item non incurrit, nisi carnalis copula cum rapta sit actu secura; cum in materia favorabilis (qualis est matrimonium) ejus impedimenta sint restringenda, Pirk. cit. n. 26. cum Sanch. n. 46. De cætero hoc impedimentum impediens, quod minus matrimonium cum ulla alia deinceps contrahi possit, uti & cætera hujusmodi impedimenta orta ex criminis modo consuetudine prescripta sublatum est.

3. Resp. tertio: Jure canonico antiquo, nempe c. de pueris. c. si autem. & c. seq. 36. q. 2. matrimonium cum raptore absolute erat irritum. Quod tamen jus antiquum alio subsequenti jure antiquo correctum, nempe c. accedens. de raptorib. ubi: raptis pueris (etiam invita & renitens ab initio, in ipso raptu, ut Host. ibid. v. rapti) legitimè contrahet cum raptore, si prior dissensio transeat postmodum in consensum (expressum vel tacitum, ut Host. ibid. v. consensum) & quod ante dispergunt tandem incipiat placere, dummodo ad contrahendum sint legitima persona, hoc est, nullo alio impedimento canonico, puta ætatis, consanguinitatis impedita.

**Quæst. 122.** Quid circa hoc statutum jure novo Tridentini.

1. Resp. De eo sic statuit Trident. sess. 24. c. 6. de reform. matrim. statut. S. Synodus inter raptorem & raptam, quamdiu illa in potestate raptoris manferit, nullum posse constitvere matrimonium. Quid si rapti à raptore separata, & in loco tuo ac libero constituta, illam in virum habere consenserit, eam raptor

R. P. Leur. Jur. Can. Lib. IV.